

四庫全書

經部

欽定四庫全書

春秋左傳注疏卷三十二

起襄公十三年盡十五年

晉杜氏注

唐陸德明音義

唐孔穎達疏

經十有三年春公至自晉

夏取邾注邾小國也任城亢父縣有邾亭傳例曰書取

言易也音義

邾音詩任音壬亢音浪反又音剛父音甫易以豉反傳同

秋九月庚辰楚子審卒注共王也成二年大夫盟于蜀

冬城防

傳十三年春公至自晉孟獻子書勞于廟禮也注書

勲勞於策也桓二年傳曰公至自唐告於廟也凡公

行告於宗廟反行飲至舍爵策勲焉禮也桓十六年

傳又曰公至自伐鄭以飲至之禮也然則還告廟及

飲至及書勞三事偏行一禮則亦書至悉闕乃不書

至傳因獻子之事以發明凡例釋例詳之音義

舍如字又

音疏

正義曰其書勞與策勲一也周禮王功曰勲事捨疏功曰勞對則勲大而勞小故傳變文以包之注

云書勲勞於策明其不異也桓二年傳發凡例有告廟也飲至也策勲也桓十六年傳言飲至此年傳言

書勞二者各舉其一所以反覆凡例以此知三事偏行一禮則亦書至悉闕乃不書至耳所云偏行一禮謂偏行告至其飲至策勳則不可偏行也何則告廟因行飲至舍爵而即策勳策勳飲至並行之于廟豈得不告至而在廟聚飲乎不告至而入廟書勞乎明其決不然矣但告至已後或飲至而不書勞或書勞而不飲至二事或有闕其一者傳因獻子書勞復言禮也所以發明凡例釋例曰公行或朝或會或盟或伐得禮失禮其事非一故傳隨而釋之於盟釋告廟嫌他例不通故復總云凡公行告于宗廟反行飲至舍爵策勳焉禮也此以明公之出竟當無不告及其反也則必飲至有功則策勳故公至自伐鄭傳重言以飲至之禮孟獻子書勞于廟傳復云禮所以反覆凡例也公朝於晉而獻子書勞知策勳非惟討伐之功雖或常行有以定國安民亦書功於廟也然則凡反行飲至必以嘉會昭告祖禰有功則舍爵策勳無

勞告事而已

○夏邾亂分為三注國分為三部志力各異

師救邾遂取之注魯師也經不稱師不滿二千五百

人傳通言之疏

正義曰莊八年師及齊師圍邾彼是大夫將滿師故稱師此亦大夫將所

將不滿二千五百人故直言取邾而不得言師也傳言師者師是衆人總名雖少亦通言之

凡書

取言易也注不用師徒及用師徒而不勞雖國亦曰

取疏

正義曰宣九年取根牟傳曰言易也成六年取鄆傳曰言易也莒亂

著邱公立而不撫鄆鄆叛而來故曰取凡克邑不用師徒曰取與此四發取例傳皆云言易也取鄆之下又發凡例云克邑不用師徒曰取者不用師徒即是易得之狀所以覆明凡例也若用而不勞則與不用

相似故杜云用而不勞亦曰取也凡例克邑郛乃是國知雖國亦曰取釋例曰取者乘其衰亂或受其潰叛或用少師而不頓兵勞力則直言取如取如攜言其易也傳四發取例者郛以師徒節叛而來根牟東夷鄭附庸國名各不同故也郛為用大師焉曰滅注小國非邑非夷故以凡例附之

敵人距戰斬獲俘馘用力難重雖邑亦曰滅音義

古馘

獲疏正義曰國大邑小嫌邑易國難滅取止見難易反疏不由國邑大小故注辨之上云易則雖國亦曰

取此取却却是國也此言用力難重則雖邑亦曰滅僖二年虞師晉師滅下陽昭十三年吳滅州來皆邑

而言滅弗地曰入注謂勝其國邑不有其地疏正義是也

謂入其都邑制其民人當入之日與滅亦同但尋即去之不為己有故云勝其國邑不即有其土地如此

之類謂之為入國邑雙舉者國邑皆稱入也文十五年晉卻缺入蔡是入國也成七年吳入州來九年楚人入鄆是入邑也若然閔二年狄入衛哀八年宋公入曹二者傳皆言滅而經書入者釋例曰狄滅衛而書入者狄無文告衛之君臣死盡齊桓存之以告諸侯言狄已去不能有其土地也曹背晉而奸宋是以致討宋公既還而不忍褚師之詬怒而反兵一舉滅曹滅非本志故以入告也○荀瑩士魴

卒晉侯蒐于緜上以治兵注為將命軍師也必蒐而

命之所以與衆共音義

為于偽反師所類反

使士匄將中軍辭

曰伯游長注伯游荀偃音義

長丁丈反

昔臣習於知伯是

以佐之非能賢也注七年韓厥老知瑩代將中軍士

句佐之句今將讓故謂爾時之舉不以己賢事見九

年音義

見賢  
遍反

請從伯游荀偃將中軍注代荀罃士句

佐之注位如故使韓起將上軍辭以趙武又使欒黶

注以武位卑故不聽更命黶辭曰臣不如韓起韓起

願上趙武君其聽之使趙武將上軍注武自新軍超

四等代荀偃韓起佐之注位如故欒黶將下軍魏絳

佐之注黶亦如故絳自新軍佐超一等代士魴新軍

無帥注將佐皆遷音義

將子  
匠反

晉侯難其人使其什吏



率其卒乘官屬以從於下軍禮也注得慎舉之禮音

義

難乃旦反或如字什音疏正義曰什吏謂十人長

十卒子忽反乘繩證反疏也從車曰卒在車曰乘  
新軍將佐皆遷晉侯選賢未得難用其人使其軍內  
十人之長率其步卒車士與其新軍官屬軍尉司馬  
之類以從於下軍令下軍將佐兼領之得慎舉之禮  
也周禮夏官序云凡制軍萬有二千五百人為軍軍  
將皆命卿二千有五百人為師師帥皆中大夫五百  
人為旅旅帥皆下大夫百人為卒卒長皆上士二十  
五人為兩兩司馬皆中士五人為伍伍皆有長不言  
十人有長而此傳云什吏者夏官所云周禮之正法  
耳其量時制事未必盡然尚書牧誓有千夫長百夫  
長齊語管子設法五人為伍五十人為小戎二百人  
為卒二千人為旅萬人為軍吳語王孫雄設法百人  
為行十行一旌十旌一將軍引司馬法云十人之帥

執鈴百人之帥執鐸千人之帥執鼓萬人之將執大鼓三者數人置帥皆以什計之異於周禮則晉人為軍或十人置吏也

晉國之民是以大和諸侯遂睦君子曰讓禮之主也范宣子讓其下皆讓藥廩為汰弗敢違也

晉國以平數世賴之刑善也夫注刑法也音義

汰音泰數

所主反一人刑善百姓休和可不務乎書曰一人有

慶兆民賴之其寧惟永其是之謂乎注周書呂刑也

一人天子也寧安也永長也義取上有好善之慶則

下賴其福音義

休許蚪反  
好呼報反

周之興也其詩曰儀刑文

王萬邦作孚注詩大雅言文王善用法故能為萬國

所信孚信也言刑善也疏

正義曰此大雅文王之篇儀善也刑法也孚信也善

用法者文王也言文王善用法故能為萬國所信言文王之法善也

及其衰也其詩曰

大夫不均我從事獨賢注詩小雅刺幽王役使不均

故從事者怨恨稱己之勞以為獨賢無讓心言不讓

也疏

正義曰詩小雅北山之篇刺幽王役使不均平被使之人自稱己之功勞我所以特從王事者

在上獨以我為賢自云已賢是不讓也

世之治也君子尚能而讓其下

注能者在下位則貴尚而讓之音義

治直吏反小人農力

以事其上是以上下有禮而讒慝黜遠由不爭也謂

之懿德及其亂也君子稱其功以加小人注加陵也

君子在位者音義

慝他得反遠于萬反又如字爭爭鬪之爭

小人伐其技

以馮君子注馮亦陵也自稱其能為伐音義

技其綺反馮皮

冰反是以上下無禮亂虐並生由爭善也注爭自善也

謂之昏德國家之敝恒必由之注傳言晉之所以興

○楚子疾告大夫曰不穀不德少主社稷生十年而

喪先君未及習師保之教訓而應受多福注多福謂

為君音義

少詩照反  
喪息浪反

是以不德而亡師于鄆注鄆在

成十六年音義

鄆音偃

以辱社稷為大夫憂其弘多矣

注弘大也若以大夫之靈獲保首領以歿於地唯是

春秋窀穸之事注窀厚也穸夜也厚夜猶長夜春秋

謂祭祀長夜謂葬埋音義

歿音沒窀張倫反  
又徒門反穸音夕

疏

正義曰音

語云窀厚也說文云夕暮也從月半見夜字從夕知是以夕為夜也厚長意同故厚夜猶長夜也考經云春秋祭祀以時思之故春秋謂祭祀也長夜者言夜不復明死不復生故長夜謂葬埋也以其事施於葬故今字皆從穴王意自賤祭之與葬皆不敢從先君之禮所以從先君於禰廟者

注從先君代為禰廟疏

正義曰祭法云諸侯立五廟曰考廟王考廟皇考廟顯考

廟祖考廟此云禰廟即彼考廟也曲禮云生曰父死曰考考成也言有成德也禰近也於諸廟父最為近也禮三年之喪畢則以遷新主入廟是從先君代為禰廟也計昭穆之次昭次入昭廟穆次入穆廟皆代為祖廟而言代為禰廟者是從先君之近也請為靈若厲注欲受惡諡以

歸先君也亂而不損曰靈戮殺不辜曰厲大夫擇焉

莫對及五命乃許秋楚共王卒子囊謀諡大夫曰君

有命矣子囊曰君命以共若之何毀之赫赫楚國而

君臨之撫有蠻夷奄征南海以屬諸夏而知其過可

不謂共乎請謚之共大夫從之注傳言子囊之善音

義共音恭下同  
夏戶雅反

○吳侵楚養由基奔命子庚以師繼

之注子庚楚司馬養叔曰吳乘我喪謂我不能師也

注養叔養由基也必易我而不戒注戒備也音義

易以

敢反子為三覆以待我注覆伏兵音義

覆扶又反

我請誘之

子庚從之戰于庸浦注庸浦楚地音義

滿判五反

大敗吳

師獲公子黨君子以吳為不弔注不用天道相弔恤

詩曰不弔昊天亂靡有定注言不為昊天所恤則致

罪也為明年會向傳音義

吳胡老反疏正義曰詩小雅南山之篇

○冬

城防書事時也注土功雖有常節通以事間為時疏

正義曰莊二十九年傳例曰凡土功龍見而畢務戒事也火見而致用水昏正而裁是土功之常節也本

設此節以為農事既間故得用力於土功今此冬城防經傳皆不言月當在火見致用之前當時農收差

早雖天象未至而民事已間故云土功雖有常節通以事間為時言時節未是時而事以得時故言書事

時也經例曰冬城防滅武仲請畢農事故傳曰書事時也此作出火見致用之前亦得兼以事時而禮之

於是將早城滅武仲請俟畢農事禮也○鄭良霄太

宰石臬猶在楚注十一年楚人執之至今石臬言於



子囊曰先王卜征五年注先征五年而卜吉凶也征

謂巡守征行音義

先征悉薦反守手又反注同

疏

正義曰先征五年而卜其吉凶

也者以謂征前五年而預卜之也征訓行也先王之  
行謹敬之至况禮之大者大禮遠行莫過巡守故知  
征謂巡守征行之禮文也傳言卜征五年未知何代  
之禮案尚書舜時五載一巡守孔安國云堯舜同道  
舜攝則然堯又可知矣周官又云十有二歲王巡守  
殷國王制云天子五年一巡守傳云天子以海內為  
家時一巡省之五年者虞夏之制周則十二歲一巡  
守如孔鄭之言唐虞及夏皆五年一巡守是卜征五  
年虞夏法也在周之世而遠陳虞夏法者蓋重古而  
言之或周之巡守不必十二年也周十二年一巡守  
者歲星天一周也虞夏五年一巡者五行遞主而徧也  
而歲習其祥祥習則行

注五年習卜皆同吉乃巡狩疏

正義曰禮記云卜筮不相襲鄭玄云襲因

也釋詁云祥善也習其祥謂去年吉今年又吉也善因則行謂五年五吉歲歲因襲則先王然後行巡守也傳稱卜不習吉而得五年吉者彼不習吉謂不可一時重吉此則每年一卜非相習也不習則

增修德而改卜注不習謂卜不吉音義

不習則增絕句一本無增

字則連下總為句

疏正義曰其曰不習者是謂不習吉也脩德改行以六年為始又得五吉乃行也

今楚實不競行人何罪注不能修德與晉競止鄭一

卿以除其偏注一卿謂良霄使睦而疾楚以固於晉

焉用之注位不偏則大臣睦怨疾楚則事晉固音義

馬用之本或作將疏正義曰貴者多則勢相偏今止

馬用之馬於度反鄭一卿於楚以除其國內相偏

之患不偏則大臣和睦使鄭在家之人和睦而疾使

楚以堅事於晉馬用之何須用此良霄留之於楚使

歸而廢其使注行而見執於楚鄭又遂堅事晉是鄭

廢本見使之意音義其使所吏反注同怨其君以疾其大夫

而相牽引也不猶愈乎楚人歸之疏正義曰往者鄭

意欲使楚執良霄鄭得堅事晉國是鄭本遣良霄其意如此今若放良霄使歸於鄭則鄭不得堅事晉國是廢其本使之意蘇氏之說亦然也良霄被執久留在楚今若歸之則怨恨其君以憎疾其大夫而相牽引令鄭國大臣不和則事晉之心不固不猶少差乎方言云病差謂之愈後年注以愈為差此亦當為差

也服虔云愈猶病愈是愈為差之  
義也鄭玄論語注云愈猶勝也

經十有四年春王正月季孫宿叔老會晉士匄齊人宋  
人衛人鄭公孫薑曹人莒人邾人滕人薛人杞人小邾  
人會吳于向注叔老聲伯子也魯使二卿會晉敬事霸  
國晉人自是輕魯幣而益敬其使故叔老雖介亦列於  
會也齊崔杼宋華閱衛北宮括在會惰慢不攝故貶稱  
人蓋欲以督率諸侯獎成霸功也吳來在向諸侯會之  
故曰會吳向鄭地音義

其使所吏反介  
音界情徒卧反  
疏正義曰叔老  
聲伯子叔胥

孫故以叔為氏也。卿出聘使及盟會，皆以大夫為介，禮之常也。此會魯使季孫宿與叔老二，卿會晉敬事霸國，故以卿為介於例。唯征戰重兵，詳內畧外，魯師出征，伐則諸將並書其聘與會，唯書使主其介，不合書也。晉人自是輕魯幣而益敬其使，叔老雖則為介，而晉為盟主，亦列之於會。魯人以其並列於會，故並書之也。傳稱宋華閱猶尚被貶，仲江固不在列。若二卿並敬其事，俱得列會，亦當並書於策。何則？盟主列之於會，魯史無畧之也。故傳言在杼華閱會伐秦，不書惰也。向之會亦如之。此宮括不書於向，書於伐秦，攝也是齊宋衛三國之卿於此會也。情慢不自整攝，故貶稱人罪其身，故去名氏。猶序鄭卿之上，從其大小舊次也。在會情慢未是大，尤即加貶責者，此是仲尼新意。蓋欲督率諸侯，獎成晉悼霸功，故也以吳來在向，諸侯就向會之，故不序吳於列，而云會吳于向，與鍾離善道同也。

二月乙未朔日有食之注無傳

夏四月叔孫豹會晉荀偃齊人宋人衛北宮括鄭公孫  
薑曹人莒人邾人滕人薛人杞人小邾人伐秦注齊宋  
大夫不書義與向同

己未衛侯出奔齊注諸侯之策書孫甯逐衛侯春秋以  
其自取奔亡之禍故諸侯失國者皆不書逐君之賊也

不書名從告疏

正義曰二十年甯子疾召悼子曰諸侯之策云云甯殖自為此言明知諸國策

書皆云孫林父甯殖逐衛侯不言衛侯自出奔也仲尼修春秋以其自取奔亡之禍故諸侯失國者皆是被臣

逐之悉非其君自出仲尼尤其不能自安皆不書逐君之賊所以責其君也北燕伯款出奔齊蔡侯朱出奔楚並書名此不書名從告也釋例曰諸侯奔亡皆迫逐而苟免非自出也傳稱孫林父甯殖出其君名在諸侯之策此以臣名赴告之文也仲尼之經更沒逐者之名主以自奔為文責其君不能自安自固所犯非徒所逐之臣也衛赴不以名而燕赴以名各隨赴而書之義在於彼不在此也杜言在彼不在此者義在自出為罪不在名與不名以其失國已足罪賤不假復以名責故史記隨赴而書仲尼依舊為定也曲禮云諸侯失地名滅同姓名記之所言當據春秋為義滅同姓名春秋既依用之則失地書名亦是大例而杜云名與不名無義例者案經書衛侯燬滅邢傳云同姓也故名其言與記符同左氏本有此例也失地書名則傳無其事且記言失地者謂國被人奪非棄位出奔者也州公如曹紀侯太去皆失地之君經不書名亦不發傳知失地之君不以

名為敗也穀伯綏鄧侯吾離來朝公羊傳皆云何以名失地之君也則禮記之文或據公羊之義不可通於左氏故杜不為此說

莒人侵我東鄙注無傳報入鄆

秋楚公子貞帥師伐吳

冬季孫宿會晉士匄宋華閱衛孫林父鄭公孫蠆莒人邾人于戚

傳十四年春吳告敗于晉注前年為楚所敗會于向  
為吳謀楚故也注謀為吳伐楚音義為于偽反注為吳卒不為同



范宣子數吳之不德也以退吳人注吳伐楚喪故以  
為不德數而遣之卒不為伐楚執莒公子務婁注在

會不書非卿音義

務莫侯反又音如字婁力侯反或力俱反

以其通楚使

也注莒貳於楚故比年伐魯音義

使所吏反

將執戎子駒

支注駒支戎子名范宣子親數諸朝注行之所在亦

設朝位曰來姜戎氏昔秦人迫逐乃祖吾離于瓜州

注四嶽之後皆姓姜又別為允姓瓜州地在今燉煌

音義

迫音百瓜古華反燉徒門反煌音皇

疏

正義曰周語稱堯遭洪水使禹治之共之從孫四嶽

佐之胙四嶽國命為侯伯賜姓曰姜賈逵云共共工也從孫同姓末嗣之孫四嶽官名大嶽也主四嶽之祭焉姜炎帝之姓其後變易至於四嶽帝復賜之祖姓以紹炎帝之後是四嶽為姜姓也下傳云謂我諸戎四嶽之裔胄是姜戎為四嶽之後姜姓故稱姜戎也昭九年傳云先王居櫛杌于四裔故允姓之姦居于瓜州伯父惠公歸自秦而誘以來同說此事而云允姓知姜姓之後又別為允姓也其姜姓是帝堯所賜允姓不知誰賜之也周語云胙四嶽國為侯伯謂為諸侯之長下注云四嶽堯時方伯據彼文而知之

乃祖吾離被苦蓋注蓋苦之別名音義

被普支反苦式占反蓋戶

獵反爾雅曰疏正義曰釋器云白蓋謂之苦孫炎曰白蓋謂之苦白蓋茅苦也郭璞曰白茅苦也今江

東呼為蓋被苦蓋言無布帛可衣唯衣草也蒙荊棘言無道路可從冒榛藪也說其窮困之極耳蒙

荆棘以來歸我先君注蒙冒也音義

冒莫報反

我先君惠

公有不腆之田注腆厚也音義

腆他典反

與女剖分而食

之注中分為剖音義

女音汝下同剖普口反中丁仲反又如字

今諸侯之

事我寡君不如昔者蓋言語漏洩則職女之由注職

主也音義

洩息列反徐音以世反

詰朝之事爾無與焉注詰朝

明旦不使復得與會事音義

詰起吉反朝如字注同與音預注及下同復扶

又與將執女對曰昔秦人負恃其衆貪于土地逐我

諸戎惠公蠲其大德注蠲明也疏

正義曰僖二十二年傳云秦晉遷陸

渾之戎于伊川則秦晉共遷之也昭九年傳云惠公  
歸自秦而誘以來又似晉侯獨誘之也此云秦人逐  
之惠公與田乃是被秦逐而自歸晉也三文不同者  
此戎本處瓜州明遠在秦之西北秦貪其土晉貪其  
人二國共誘而使遷僖傳是其實也昭傳王專責晉  
故指言晉耳此傳宣子施恩於戎故言被逐歸晉駒  
支順宣子之言故云秦貪土地逐  
我諸戎秦本貪其土地而遷之也 謂我諸戎是四嶽

之裔胄也注四嶽堯時方伯姜姓也裔遠也胄後也

音義

裔以制反 胄直又反

毋是翦棄注翦削也音義

毋音無

賜我

南鄙之田狐狸所居豺狼所嗥我諸戎除翦其荆棘  
驅其狐狸豺狼以為先君不侵不叛之臣至于今不

貳注不內侵亦不外叛音義

狸力之反又作狸同  
豺仕皆反啤戶羔反

昔

文公與秦伐鄭秦人竊與鄭盟而舍戍焉注在僖三

十年於是乎有殺之師注在僖三十三年音義

殺尸  
交反

晉禦其上戎亢其下注亢猶當也音義

亢若  
浪反

秦師不

復我諸戎實然譬如捕鹿晉人角之諸戎掎之注掎

其足也音義

捕音步徐又音  
賦掎居綺反

與晉踣之注踣僵也音

義

踣蒲北反又蒲  
豆反僵居良反

疏

正義曰角之謂執其角也掎之  
言戾其足也前覆謂之踣言與

晉共戎何以不免自是以來晉之百役與我諸戎相

繼于時注言給晉役不曠時以從執政猶毅志也注

意常如毅無中二也豈敢離邊今官之師旅無乃實

有所闕以攜諸侯而罪我諸戎我諸戎飲食衣服不

與華同贄幣不通言語不達何惡之能為不與於會

亦無曹焉注曹悶也音義

過他歷反贄音至不與音預曹莫贈反徐又武登反

一音武忠反

賦青蠅而退注青蠅詩小雅取其愷悌君子

無信讒言音義

蠅以仍反愷開在反悌徒禮反下文及注同

宣子辭焉注

辭謝使即事於會成愷悌也注成愷悌不信讒也不

書者戎為晉屬不得特達於是子叔齊子為季武子介以會自是晉人輕魯幣而益敬其使注齊子叔老

字也言晉敬魯使經所以並書二卿音義介音界使所史反注

同 ○吳子諸樊既除喪注諸樊吳子乘之長子也乘

卒至此春十七月既葬而除喪音義長丁丈反將立季札

注札諸樊少弟音義札則八反少詩照反季札辭曰曹宣公之

卒也諸侯與曹人不義曹君注曹君公子負芻也殺

太子而自立事在成十三年將立子臧子臧去之遂

弗為也以成曹君君子曰能守節君義嗣也注諸樊

適子故曰義嗣

音義

適丁歷反

誰敢奸君有國非吾節也

札雖不才願附於子臧以無失節固立之棄其室而

耕乃舍之注傳言季札之讓且明吳兄弟相傳

奸音千傳直專反

○夏諸侯之大夫從晉侯伐秦以報櫟之

役也注櫟役在十一年晉侯待于竟使六卿帥諸侯

之師以進注言經所以不稱晉侯

音義竟音境

及涇不

濟注諸侯之師不肯渡也涇水出安定朝那縣至京



兆高陸縣入渭音義

朝如字如淳音株那乃多反

叔向見叔孫穆

子穆子賦匏有苦葉注詩坤風也義取於深則厲淺

則揭言已志在於必濟音義

匏白交反揭起例反

疏正義曰此詩本文云

匏有苦葉濟有深涉深則厲淺則揭釋水全引下三句而釋之云揭者揭衣也以衣涉水為厲絲膝以下為揭絲膝以上為涉絲帶以上為厲李巡云濟渡也水深則厲水淺則揭衣渡也不解衣而渡水曰厲孫炎曰揭褰衣裳也以衣涉水濡禪也詩意言遇水深淺期之必渡穆子賦此詩言已志在於必濟也魯語云叔向見叔孫穆子穆子曰豹之業在匏有苦葉矣叔向退召舟虞與司馬曰夫苦匏不材於人共濟而已魯叔孫賦匏有苦葉必將涉矣彼叔向之意取匏有苦葉為義此注取深厲淺揭為義者穆子止賦此

詩不言所取之意未必叔向曲得其情杜以厲揭叔  
為義切於取匏有苦葉故不從國語而別為此解叔

向退而具舟魯人莒人先濟鄭子蟻見衛北宮懿子

曰與人而不固取惡莫甚焉若社稷何懿子說二子

見諸侯之師而勸之濟濟涇而次注傳言北宮括所

以書於伐秦音義

說音悅

秦人毒涇上流師人多死注

飲毒水故鄭司馬子蟻帥鄭師以進師皆從之至于

楫林注楫林秦地音義

楫位逼反徐于目  
反一音於鞠反

不獲成焉

注秦不服疏

正義曰此役止為報櫟之敗非欲求與  
秦成而云不獲成者凡與師伐國彼若

服罪謝過即當相與和平故注解其意不獲成馬者  
止謂秦不服也服虔云不得成戰陳之事案傳諸伐  
國者皆服之而已不是皆成戰陳  
之事此何以獨云不獲成戰也

荀偃令曰雞鳴而

駕塞井夷竈注示不反唯余馬首是瞻注言進退從

已樂鰲曰晉國之命未是有也余馬首欲東乃歸注

鰲惡偃自專故棄之歸音義

惡鳥路反

下軍從之左史謂

魏莊子曰不待中行伯乎注中行伯荀偃也莊子魏

絳也左史晉大夫莊子曰夫子命從帥注夫子謂荀

偃音義

帥所類反下及注皆同

樂伯吾帥也吾將從之從帥所

以待夫子也注以從命為待也樂廩下軍帥莊子為

佐故曰吾帥伯游曰吾令實過悔之何及多遺秦禽

注軍帥不和恐多為秦所禽獲音義

遺唯李反

乃命大還

晉人謂之遷延之役注遷延却退樂鍼曰此役也報

櫟之敗也役又無功晉之恥也吾有二位於戎路注

樂鍼樂廩弟也二位謂廩將下軍鍼為戎右敢不恥

乎與士鞅馳秦師死焉士鞅反注鞅士甸子樂廩謂

士甸曰余弟不欲往而子召之余弟死而子來是而

子殺余之弟也弗逐余亦將殺之士鞅奔秦注樂廩

汰侈誣逐士鞅也而女也音義

侈昌氏反本或作忝又尺氏反女音汝

疏

正義曰樂鉞自以家有二位恥其無功與士鞅共馳秦師非鞅召之是誣逐士鞅也

於是齊

崔杼宋華閱仲江會伐秦不書情也注臨事情慢不

修也仲江宋公孫師之子向之會亦如之衛北宮括

不書於向注亦情書於伐秦攝也注能自攝整從鄭

子蟠俱濟涇秦伯問於士鞅曰晉大夫其誰先亡對

曰其欒氏乎秦伯曰以其汰乎對曰然欒廩汰虐已

甚猶可以免其在盈乎注盈厲之子秦伯曰何故對

曰武子之德在民如周人之思召公焉愛其甘棠况

其子乎注武子樂書厲之父也召公奭聽訟於甘棠

之下周人思之不害其樹而作勿伐之詩在召南音

義

召上照反注同奭詩亦反

樂厲死盈之善未能及人武子所施

沒矣而厲之怨實章將於是乎在秦伯以為知言為

之請於晉而復之注為傳二十一年晉滅欒氏張本

音義

施如字又始政反為之于偽反

○衛獻公戒孫文子甯惠子食

注勅戒二子欲共宴食疏

正義曰君之於臣有禮食宴食儀禮公食大夫禮者

主國之君食聘賓之禮也其食己之大夫亦當放之而迎送答拜之儀有差降耳曲禮云凡進食之禮左般右截鄭玄云此大夫士與賓客燕食之禮其禮食則宜放公食大夫禮也如鄭之言大夫與客禮食尚放公食大夫禮明知國君與臣禮食亦當放之公食大夫之禮其禮甚大衛侯雖則無道不應與臣禮食而得棄之射鴻知是公自勅戒二子欲別為宴食宴食者閒宴無事召臣與之共食耳

皆服而

朝注服朝服待命於朝疏

正義曰言服而朝明朝服也諸侯每日視朝其君與

臣皆服玄冠緇布衣素積以為裳禮通謂此服為朝服宴食雖非大禮要是以禮見君故服朝服公食大夫之禮賓朝服則臣於君雖非禮食亦當服朝服也

日盱不召注盱晏也音義

盱反而射鴻於圃二子從之注從公於圃音義射食

又圃音不釋皮冠而與之言注皮冠田獵之冠也既不

釋冠又不與食疏正義曰此公射鴻於圃而冠皮冠明皮冠是田獵之冠也且虞人掌

獵昭二十年傳曰皮冠以招虞人又十二年傳言雨雪楚子皮冠以出出田獵也是諸侯之禮皮冠以田

獵周禮司服云凡甸冠弁服鄭玄云甸田獵也冠弁委貌也其服緇布衣素積以為裳是服諸侯視朝之

服也彼天子之禮故以諸侯朝服而田異於此也昭十二年傳又云右尹子革夕王見之去皮冠杜云敬

大臣是君敬大臣宜釋皮冠既不二子怒孫文子如

戚注戚孫文子邑孫蒯入使注孫蒯孫文子之子音



義

使所吏反  
又如字

公飲之酒使大師歌巧言之卒章注巧

言詩小雅其卒章曰彼何人斯居河之麋無拳無勇

職為亂階戚衛河上邑公欲以喻文子居河上而為

亂大師掌樂大夫音義

飲於引反麋亡悲  
反或作湄拳音權

大師辭師

曹請為之注辭以為不可師曹樂人初公有嬖妾使

師曹誨之琴注誨教也音義

嬖必  
計反

師曹鞭之公怒鞭

師曹三百故師曹欲歌之以怒孫子以報公公使歌

之遂誦之注恐孫蒯不解故音義

解音  
蟹

蒯懼告文子

文子曰君忌我矣弗先必死注欲先公作亂音義欲先

息薦反

并帑於戚注帑子也音義

并必政反帑音奴

疏

正義曰孫子衛

朝大臣食邑於戚其子先分兩處將欲作亂慮禍及其子故令并帑處於戚

而入見蘧伯

玉曰君之暴虐子所知也大懼社稷之傾覆將若之

何注伯玉蘧瑗音義

蘧其居反覆芳服反瑗于眷反

對曰君制其國

臣敢奸之注奸猶犯也雖奸之庸知愈乎注言逐君

更立未知當差否音義

愈羊主反愈差也差初賣反

遂行從近關

出注懼難作欲速出竟音義

難乃旦反竟音境下文皆同

疏

正義曰聘

禮及竟謁關人鄭玄云古者竟上為關以譏異服識  
異言又周禮司關注云關界上之門也衛都不當竟  
中其界有遠有近欲速  
出竟故從近關出也 公使子蟜子伯子皮與孫子

盟于丘宮孫子皆殺之注 三子衛羣公子疑孫子故

盟之邱宮近戚地音義

蟜古表反近  
附近之近

四月己未子展

奔齊注子展衛獻公弟公如鄆注鄆衛地音義

鄆音  
絹

使子行於孫子孫子又殺之注使往請和也子行羣

公子公出奔齊孫氏追之敗公徒于阿澤注濟北東

阿縣西南有大澤鄆人執之注公徒因敗散還故為

公執之音義

為于偽反下  
為孫氏同

疏

正義曰服虔云執追公  
徒者公如郵故郵人為

公執之計孫氏追公徒衆必威郵人為公可言與之  
戰耳不得言執之也且文承敗公徒下豈敗公徒之  
後乃執之乎下文方說二子追公豈復是郵人執二  
子也故杜以為公徒因敗而散亡郵人為公執散走

者

初尹公佗學射於庾公差庾公差學射於公孫丁

二子追公注二子佗與差為孫氏逐公音義

佗徒何  
反差初

佳反徐  
初宜反

公孫丁御公注為公御也子魚曰射為背師

不射為戮射為禮乎注子魚庾公差禮射不求中音

義

射食亦反下及注除禮射一字皆同或一  
讀射而禮乎食夜反背音佩中丁仲反

射兩鞫

而還注鞅車軛卷者音義

鞅其俱反徐又古豆反軛於革反卷音權又起權反

尹公佗曰子為師我則遠矣乃反之注佗不從丁學

故言遠始與公差俱退悔而獨還射丁公孫丁授公

轡而射之貫臂注貫佗臂音義

貫古亂反一音官注同

疏

正義曰孟

子云鄭人使子濯孺子侵衛衛使庾公之斯追之子濯孺子疾作庾公之斯至曰夫子何為不執弓曰今日我疾作不可以執弓庾公之斯曰小子學射於尹公之佗尹公之佗學射於夫子我不忍以夫子之道反害夫子雖然今日之事君事也我不敢廢抽矢叩輪去其金發乘矢而後反其姓名與此畧同行義與此正反不應一人之身有此二行孟子辨士之說或當假為之辭此傳應是實也注正義曰說文云鞅車

輓下曲者服虔云車輓兩邊又馬頸者

子鮮從公注于鮮公母弟及竟

公使祝宗告亡且告無罪注告宗廟定姜曰無神何

告若有不可誣也注誣欺也定姜公適母音義

適丁歷反

有罪若何告無舍大臣而與小臣謀一罪也先君有

冢卿以為師保而蔑之二罪也注謂不釋皮冠之比

音義

舍音捨必二反

余以中櫛事先君而暴妾使余三罪

也告亡而已無告無罪注時姜在國故不使得告無

罪音義

櫛側乙反

疏

正義曰言暴虐使余如妾

公使厚成叔弔于衛曰

寡君使瘠聞君不撫社稷而越在他竟注越遠也瘠

厚成叔名音義

厚本或作卹音同弔于衛本或作弔于衛侯侯衍字也瘠在亦反

若

之何不弔以同盟之故使瘠敢私於執事注執事衛

諸大夫曰有君不弔注弔恤也有臣不敏注敏達也

疏

正義曰不敏不達於禮也

君不赦宥臣亦不帥職增淫發洩其

若之何衛人使大叔儀對曰注大叔儀衛大夫音義

洩息列反大音泰

羣臣不佞得罪於寡君寡君不以即刑而

悼棄之以為君憂君不忘先君之好辱弔羣臣又重

恤之注重恤謂愍其不達也音義

好呼報反重直用反注及下同敢

拜君命之辱重拜大貺注謝重恤之賜厚孫歸復命

語臧武仲曰衛君其必歸乎有大叔儀以守注守於

國音義

語魚據反守手又反

有母弟鱄以出或撫其內或營其

外能無歸乎齊人以邾寄衛侯注邾齊所滅邾國音

義

鱄徐布嚮反又音專邾音來

及其復也以邾糧歸注言其貪右

宰穀從而逃歸衛人將殺之注穀衛大夫也以其從

君故欲殺之音義

從才用反又如字注同

辭曰余不說初矣注



言初從君非說之不獲已耳音義

說音悅注及下同

疏 正義曰言

余之不說於君初即然矣不得已而從之出耳非是愛君而從在道始悔而反也

余狐裘而

羔袖注言一身盡善唯少有惡喻已雖從君出其罪

不多音義

袖本又作

疏 正義曰玉藻云君衣狐白裘

諸侯之服也是裘之用皮狐貴於羔也

乃赦之衛人立公孫剽注剽穆

公孫音義

剽匹妙反一音甫遙反字林父召反

孫林父甯殖相之以聽

命於諸侯注聽盟會之命音義

相息亮反

衛侯在邾臧紇

如齊唁衛侯與之言虐退而告其人曰衛侯其不得

入矣其言糞土也亡而不變何以復國注武仲不書

未為卿音義

咍魚變反徐作殫音咍  
弔失國曰咍糞方問反

子展子鮮聞之

見臧紇與之言道注順道理臧孫說謂其人曰衛君

必入夫二子者或輓之或推之欲無入得乎注為二

十六年衛侯歸傳音義

輓音晚推如  
字又他回反

○師歸自伐秦

晉侯舍新軍禮也成國不過半天子之軍注成國大

國音義

舍音捨下  
及注同

疏

正義曰周禮大宗伯以九儀之  
命正邦國之位五命賜則七命

賜國鄭玄云則地未成國之名王之下大夫四命出  
封加一等五命賜之以方百里二百里三百里之地

者方四百里以上為成國如鄭之言成國者唯公與侯耳伯雖與侯同命地方三百里未得為成國也成國乃得半天子之軍未成則不得也夏官序云大國三軍次國二軍小國一軍當以公侯為大國伯為次國子男為小國也諸侯五等唯有三等之命伯之命數可以同於侯其軍則計地大小故伯國之軍不得同於侯也此據禮正法耳春秋之世鄭置六卿未必不為三軍

者三軍可也於是知朔生盈而死注朔知瑩之長子

盈朔弟也盈生而朔死音義

知音智長  
丁文反

盈生六年而

武子卒彘襄亦幼皆未可立也新軍無帥故舍之注

襄士魴子也十三年荀罃士魴卒其子皆幼未任為

卿故新軍無帥遂舍之音義

義直例反帥所類  
反注同任音壬

○師

曠侍於晉侯注師曠晉樂大師子野晉侯曰衛人出  
其君不亦甚乎對曰或者其君實甚良君將賞善而  
刑淫養民如子蓋之如天容之如地民奉其君愛之  
如父母仰之如日月敬之如神明畏之如雷霆其可  
出乎夫君神之主也民之望也若困民之主匱神乏  
祀百姓絕望社稷無主將安用之弗去何為天生民  
而立之君使司牧之勿使失性有君而為之貳注貳

卿佐音義

出如字徐音黜仰本亦作印音仰靈徒丁反又音挺本又作電匱其位反乏祀本或

作之祀誤也去起呂反

使師保之勿使過度是故天子有公諸

侯有卿卿置側室注側室支子之官大夫有貳宗注

貳宗宗子之副貳者士有朋友庶人工商皂隸牧圉

皆有親暱以相輔佐也善則賞之注賞謂宣揚音義

暱女疏正義曰賞者善善之名也但上之善下則賜乙反疏之以財故遂以賞為賜財之號此言天子以

下皆有臣僕以輔佐其上而下之賞上不得奉以貨財唯當延其譽耳故知賞謂宣揚也過則匡

之注匡正也患則救之注救其難也音義難乃失則

旦反

革之注革更也自王以下各有父兄子弟以補察其

政注補其愆過察其得失史為書注謂大史君舉則

書疏

正義曰周禮有大史小史內史外史御史史官有五名知此史謂大史者以傳稱齊崔杼弑其

君云大史書之知君舉則書皆大史書也  
**瞽為詩注**瞽盲者為詩以風刺

音義

瞽音古盲莫庚疏正義曰周禮樂官大師之屬反風芳鳳反有瞽矇之職鄭玄云凡樂之

歌必使瞽矇為馬命其賢知者以為大師小師鄭眾云無目矇謂之瞽有目矇而無見謂之矇無目是盲者也詩者民之所作采得民詩乃使瞽人為歌以風刺非瞽人自為詩也周語云天子聽政公卿至於列士獻詩瞽陳曲章昭云公以下至上士各獻諷諫之詩瞽陳樂曲獻之於王是言瞽為歌詩之事  
**工**

誦箴諫注工樂人也誦箴諫之辭音義

箴之林反疏正義曰儀

禮通謂樂人為工工亦替也詩辭自是箴諫而箴諫之辭或有非詩者如虞箴之類其文似詩而別且諫者萬端非獨詩箴而已詩必播之於樂餘或直誦其言與歌誦小別故使工替異文也周語云師箴瞍賦矇誦亦是因

大夫規誨注規正諫誨其君疏

正義曰規亦諫

也鄭玄詩箋云規者正圓之器以愚見正君曰規然則物有不圓者規之使圓行有不周者正之使備猶規正物然故云規

士傳言注士卑不得徑達聞君過

失傳告大夫音義

傳直專反注同

庶人謗注庶人不與政聞

君過則誹謗音義

與音預誹如字又本或疏正義曰作非音亦同又甫味反庶人卑

賤不與政教聞君過失不得諫爭得在外誹謗之謗  
謂言其過失使在上聞之而自改亦是諫之類也昭  
四年傳鄭人謗子產周語厲王虐國人謗王皆是言  
其實事謂之為謗但傳聞之事有實有虛或有妄謗  
人者今世遂以謗為誣類是俗易而意異也周語云  
庶人傳語是庶人亦得傳言以諫上也此有士傳言  
故別云庶人  
謗為等差耳  
**商旅于市**注旅陳也陳其貨物以示時

所貴尚疏

正義曰旅陳釋詁文也商旅于市謂商人  
見君政惡陳其不正之物以諫君也易云

商旅不行旅亦是商此云陳者彼云商旅不行故以  
旅為商此文連于市若以旅為商直云商旅于市則  
文不成義故以旅為陳也劉炫云王制言廵守之事  
云命市納賈以觀民之所好惡志淫好辟鄭玄云市  
典市者賈謂物貴賤厚薄也質則用物貴淫則侈物  
貴此亦彼類彼上觀民此民觀上商陳此物自為求



利非欲諫君但觀所陳則貴尚可見在上審而察之其過足以自改故亦為諫類則齊鬻踊之比是也

百工獻藝注獻其技藝以喻政事音義

技其疏正義綺反疏曰周

禮考工記云審曲面勢以飭五材以辨民器謂之百工鄭玄云五材各有工言百衆言之也則工是巧人能用五材金木水火土者也此百事之工各自獻其藝能以其所能譬喻政事因獻所造之器取喻以諫上即夏書所云工執藝事以諫是也故夏書曰道人以木鐸徇于路注

逸書道人行人之官也木鐸木舌金鈴徇于路求歌

謹之言音義

道在由反徐又在幽反又子由反鐸待洛反徇似俊反鈴力丁反

疏正義

曰此在亂征之篇其本文云每歲孟春道人以木鐸徇于路官師相規工執藝事以諫其或不共邦有常

刑此傳引彼畧去每歲孟春直引道人以下乃以正月孟春結之殷勤以示歲首恒必然也孔安國云道人宣令之官木鐸金鈴木舌所以振文教也周禮無道人之官彼云其或不共邦有常刑是號令羣臣百工使之諫也木鐸徇路是號令之事孔言宣令之官杜必以為行人之官者以其云徇于道路故以為行人之官采訪諤謠者與孔宣令之官其事不異劉炘以為杜不見古文以道人為宣令之官徇路求諫而規杜氏不見古文誠如劉說然杜之官師相規注官所解於義自通苟生異見其義非也

**官師相規注官**

**師大夫自相規正疏** 正義曰杜意謂師為長故以官師為大夫言大夫是羣官之長

大夫自相規正案孔安國云官衆衆官也更相規關其意以師為衆杜必知官師是大夫者此云官師相規上云大夫規誨規文既同故以為大

**工執藝事以**

夫尚書文無所對故孔云官衆衆官也

諫注所謂獻藝正月孟春於是乎有之諫失常也注  
有道人徇路之事天之愛民甚矣豈其使一人肆於  
民上注肆放也以從其淫而棄天地之性必不然矣

注傳善師曠能因問盡言音義

從子用反  
本或作縱

○秋楚子

為庸浦之役故注在前年音義

為于  
偽反

子囊師于棠以

伐吳吳不出而還子囊殿注殿後軍音義

殿多  
練反

以吳

為不能而弗傲吳人自臯舟之隘要而擊之注臯舟

吳險阨之道音義

傲音景隘於懈反要  
一遙反阨於革反

楚人不能相

救吳人敗之獲楚公子宜穀注傳言不備不可以師

○王使劉定公賜齊侯命注將昏於齊故也定公劉

夏位賤以能而使之傳稱諡舉其終曰昔伯舅大公

右我先王股肱周室師保萬民世胙大師以表東海

注胙報也表顯也謂顯封東海以報大師之功音義

右音又胙疏正義曰師法也保安也言大公與民為才故反疏法而民得以安也尚書泰誓武王數紂

之罪云放黜師保孔安國云可法以安者反放退之是謂良臣為民之師保也王室之不壞

繫伯舅是賴注繫發聲音義壞如字服本作疏正義曰服

度本壞作懷解云懷柔也繫蒙也賴恃也王室之不  
懷柔諸侯恃蒙齊桓之匡正也孫毓云案舊本及賈  
氏皆作壞杜雖不注當謂王室之不傾壞者唯伯  
舅大公是賴也上文不言桓公不得為賴桓公也今

余命女環注環齊靈公名音義

女音汝環戶關反

茲率舅氏

之典纂乃祖考無忝乃舊敬之哉無廢朕命注纂繼

也因昏而加褒顯傳言王室不能命有功○晉侯問

衛故於中行獻子注問衛逐君當討否獻子荀偃對

曰不如因而定之衛有君矣注謂剽已立伐之未可

以得志而勤諸侯史佚有言曰因重而撫之注重不

可移就撫安之音義

佚音

仲虺有言曰亡者侮之亂

者取之推亡固存國之道也注仲虺湯左相音義

虺許

鬼反侮亡甫反相息亮反

疏

正義曰尚書仲虺之誥云兼弱攻昧取亂侮亡推亡固存邦乃其昌孔安

國云弱則兼之闇則攻之亂則取之有亡形則侮之有亡道則推而亡之有存道則輔而固之王者如此國乃昌盛此傳取彼之意而改為之辭其言非本文也君其定衛以待時乎注

待其昏亂之時乃伐之冬會于戚謀衛也注定立剽

○范宣子假羽毛於齊而弗歸齊人始貳注析羽為

旌王者游車之所建齊私有之因謂之羽毛宣子聞

而借觀之音義

析星疏

正義曰周禮司常掌九旗之

車載旒游車載旌鄭玄云全羽析羽皆五采繫之於  
旒旌之上所謂注毛於干首也凡九旗之帛皆用絳  
道車象路也王以朝夕燕出入游車木路也王以田  
以鄙是其析羽為旌王者游車之所建也鄭玄唯言  
全羽析羽有五采耳猶不辨羽是何羽周禮有夏采  
之官鄭玄云夏采夏翟羽色禹貢徐州貢夏翟之羽  
有虞氏以為綏後世或無故染鳥羽象而用之謂之  
夏采其職云掌大喪以乘車建綏復于四郊鄭玄云  
明堂位曰有虞氏之旂夏后氏之綏則旌旗有是綏  
者或以旒牛尾為之綴於幢上所謂注旌於干首者  
釋天云注旌首曰旌李巡曰以旒牛尾著旌首者也  
孫炎曰析五采羽注旌上也下亦有旒綵據彼諸文  
言之則羽旒者有五色鳥羽又有旒牛尾也言全羽  
析羽者蓋有全取其翅或析取其翮故有全析二名

也繫此鳥羽牛尾而於干首猶自別有絳為旒縵縣之於干今之旗幟尚然也此傳直言羽耳注不引全羽而以析羽解之者以全羽尊於析羽齊人建以赴會當是羽之賤者故以為析羽不然則無以知之計羽毛所用直費無多晉人自應有之而此年范宣子假羽毛於齊定四年晉人假羽旄於鄭皆假之他國者或當制作巧異故聞而借觀之

○楚子囊還自伐吳卒將死遺言

謂子庚必城郢注楚徙都郢未有城郭公子變公子儀因築城為亂事未得訖子囊欲訖而未暇故遺言

見意音義

見賢遍反

君子謂子囊忠君薨不忘增其名注

謂前年諡君為共將死不忘衛社稷可不謂忠乎忠



民之望也詩曰行歸于周萬民所望忠也注詩小雅

忠信為周言德行歸于忠信即為萬民所瞻望音義

行下孟疏正義曰此詩小雅都人士之篇也注云城  
反注同疏郭之域曰都言都人之士所行要歸於忠

信其餘萬民寡識者  
咸瞻望而法倣之

經十有五年春宋公使向戌來聘二月己亥及向戌盟

于劉疏

正義曰荀庚孫良夫卻犂等來聘且尋盟皆直  
云及某盟不言地者在國與之盟也此言盟

于劉者出國與盟故書其盟地猶如晉侯與公出  
盟于長檣也釋例劉地闕蓋魯城外之近地也

劉夏逆王后于齊注劉采地夏名也天子卿書字劉夏

非卿故書名天子無外所命則成故不言逆女疏

正義曰宣

十年天王使王季子來聘傳稱劉康公來聘是王季子食采於劉遂為劉氏此劉夏當是康公之子即前年傳稱劉定公是也釋例曰天子公卿書爵此言天子卿書字又云劉夏非卿其實非大夫而云非卿者以名相配以劉夏非卿稱名故云天子卿書字以決之傳稱卿不行故云劉夏非卿以對之皆望經傳以為義也或以為無爵卿書字杜何意於此獨舉無爵之卿也諸侯之娶言逆女此與桓八年皆言逆王后者天子無外所命則已成后矣故不言逆女也劉炫云例云天子公卿書爵此言卿書字者以其有爵則書爵無則書字傳稱官師即此劉夏釋例以夏為士則夏此時似未有爵若夏是卿當書字傳言卿不行非禮則此禮本當使卿故以卿決之卿當書字夏非卿故書名例稱天子大夫書字但此禮不使大夫故不以大夫決之

夏齊侯伐我北鄙圍成公救成至遇注無傳遇魯地書  
至遇公畏齊不敢至成

季孫宿叔孫豹帥師城成郭注備齊故夏城非例所譏  
秋八月丁巳日有食之注無傳八月無丁巳丁巳七月  
一日也日月必有誤

邾人伐我南鄙

冬十有一月癸亥晉侯周卒注四同盟疏

正義曰周以成十八年即

位其年盟于虛打襄三年于雞澤五年于戚九年于戲  
十一年于亳城北凡五同盟言四者唯數襄公盟也

傳十五年春宋向戌來聘且尋盟注報二年豹之聘

尋十一年亳之盟見孟獻子尤其室注尤責過也曰

子有令聞而美其室非所望也對曰我在晉吾兄為

之毀之重勞且不敢間注傳言獻子友于兄且不敢

其實音義

間音間重直用反間間廁之間

疏

正義曰間非也不敢非兄是友于兄也不隱其

實者謂恕情實言無所隱諱也故云不隱其實也

○官師從單靖公逆王后

于齊卿不行非禮也注官師劉夏也天子官師非卿

也劉夏獨過魯告昏故不書單靖公天子不親昏使

上卿逆而公監之故曰卿不行非禮音義

過古未反  
監工銜反

疏

正義曰祭法云官師一廟鄭玄云官師中士下士也釋例云元士中士稱名劉夏石尚是也下士稱

人公會王人于泚是也是天子之官師非卿故劉夏從單靖公而議卿不行也桓八年祭公來遂逆王后于紀經書祭公此云官師從單靖公唯書劉夏知劉夏獨過魯告昏靖公不至魯也祭公言來遂逆此劉夏不言來遂逆者彼祭公命魯主昏則是因來遂逆此不命魯主昏直過魯告耳故不言來遂也公羊穀梁亦皆直云過我也此公就行矣唯議卿之不行不譏王不親逆是知於禮天子不親昏使上卿逆而公臨之故唯言卿不行非禮也釋例據此

傳知天子當使公卿天子不親逆也

○楚公子午

為令尹注代子囊公子罷戎為右尹薦子馮為大司

馬注子馮叔敖從子音義

罷音皮又戶買反薦于委反馮皮冰反從才用反

疏

正義曰案世本薦艾獵是孫叔敖之兄馮是艾獵之子則馮是叔敖兄之子也杜集解及釋例皆以

薦艾獵叔敖為一人馮是叔敖之子世本轉寫多誤杜當考得其真

公子橐師為右司

馬公子成為左司馬屈到為莫敖注屈到屈蕩子音

義

橐音託成音城屈居勿反

公子追舒為箴尹注追舒莊王子子

南音義

箴之林反

屈蕩為連尹養由基為宮廐尹以靖國

人君子謂楚於是乎能官人官人國之急也能官人

則民無覲心注無覲覲以求幸音義

廐徐音救覲羊朱反徐音喻覲

音疏 正義曰服虔云連尹射官言射相連屬也若是  
糞疏 主射當使養由基為之何以使由基為宮廡尹  
棄能不用豈得為能官人也官名臨時所  
作莫教之徒並不可解故杜皆不解之 詩云嗟我

懷人寘彼周行能官人也注詩周南也寘置也行列

也周徧也詩人嗟嘆言我思得賢人置之徧於列位

是后妃之志以官人為急音義 寘之豉反下同行戶  
即反注及下同徧音

遍下 疏 正義曰周南卷耳之篇也序云后妃之志又  
同 當輔佐君子求賢審官故詩人述其意后妃

嗟嘆言我思得賢人置之使徧於列位 王及公侯伯  
是后妃之志以官人為急故嗟嘆思之

子男甸采衛大夫各居其列所謂周行也注言自王

以下諸侯大夫各任其職則是詩人周行之志也甸  
采衛五服之名天子所居千里曰圻其外曰侯服次

曰甸服次曰男服次曰采服次曰衛服五百里為一

服不言侯男畧舉也音義

任音壬  
圻音祈疏正義曰后妃之志志在輔王求

賢置之於公卿以下之位耳非欲更別求賢置之於  
王位也但公卿以下尚欲使之皆賢豈欲王之不賢  
乎雖不欲他賢代王而欲使王行益賢也以周訓為  
徧言徧在列位故自王以下及六服之內大夫以上  
皆言之各以賢能居其列位是詩人所謂周行者也  
計后妃之意亦下及士但傳以士卑故指言大夫耳  
詩注以周行謂周之列位此注云周徧者斷章為義  
與詩說不同也此云能官人者謂能官用賢人為公



侯以下王則天之所命非人所用兼言王者王居天位修行善政則是為能官人故杜云自王以下各任

其職○鄭尉氏司氏之亂其餘盜在宋注亂在十年鄭

人以子西伯有子產之故納賂于宋注三子之父皆

為尉氏所殺故以馬四十乘注百六十匹音義

乘繩證反

下千與師葭師慧注樂師也葭慧其名音義

葭扶廢反徐音

伐三月公孫黑為質焉注公孫黑子哲音義

質音致哲星歷

反司城子罕以堵女父尉翩司齊與之良司臣而逸

之注賢而放之音義

女音汝

託諸季武子武子寘諸卞

注子罕以司臣託季氏音義

卞皮  
彥反

鄭人醢之三人也

注三人堵女父尉翩司齊疏

正義曰以文承司臣之  
下嫌其亦醢司臣故言

之三

師慧過宋朝將私焉注私小便其相曰朝也注

相師者音義

相息亮反  
注及下同

慧曰無人焉相曰朝也何故

無人慧曰必無人焉若猶有人豈其以千乘之相易

淫樂之矇必無人焉故也注千乘相謂子產等也言

不為子產殺三盜得賂而歸之是重淫樂而輕相國

音義

易以豉反輕也矇音蒙為  
于僞反下文為之攻之同

子罕聞之固請而歸

之注言子罕能改過○夏齊侯圍成貳於晉故也注  
不畏霸主故敢伐魯於是乎城成邠注邠邠也○秋  
邾人伐我南鄙注亦貳於晉故使告于晉晉將為會  
以討邾莒注十二年十四年莒人伐魯未之討也晉  
侯有疾乃止冬晉悼公卒遂不克會注為明年會澳  
梁傳音義澳古  
闕反鄭公孫夏如晉奔喪子蟜送葬注夏  
子西也言諸侯畏晉故卿共葬音義共音  
恭○宋人或  
得玉獻諸子罕子罕弗受獻玉者曰以示玉人注玉

人能治玉者玉人以為寶也故敢獻之子罕曰我以

不貪為寶爾以玉為寶若以與我皆喪寶也不若人

有其寶疏

正義曰我得  
不貪女得其  
玉是我女二人各有其寶

稽首而告曰小

人懷璧不可以越鄉注言必為盜所害音義

喪息  
浪反納

此以請死也注請免死子罕實諸其里使玉人為之


攻之注攻治也富而後使復其所注賣玉得富○十

二月鄭人奪堵狗之妻而歸諸范氏注堵狗堵女父

之族狗娶於晉范氏鄭人既誅女父畏狗因范氏而

作亂故奪其妻歸范氏先絕之傳言鄭之有謀音義

堵音者狗本或  
作苟娶七住反



春秋左傳注疏卷三十二

春秋左氏傳注疏卷三十二考證

城防○林堯叟曰防臧氏邑

臣浩

按此近齊之防即隱

九年會齊侯者也又一近宋隱十年伐宋取防者也  
近齊之防為臧氏邑後武仲自邾如防以求立後即  
此防也

傳孟獻子書勞于廟禮也○趙汭補注曰當時諸侯以  
善事伯主內外無虞為勞績衰世之意也書勞即書  
至

傳凡書取言易也○趙汭補注曰胡邦衡云隱四年春  
莒人伐杞取牟婁上言伐下言取取非易也五年冬  
宋人伐鄭圍長葛至六年冬取長葛取得為易乎今  
按根牟鄆邾皆不絕其祀故書取趙伯循云凡得國  
而不言滅者不絕其祀也臣照按胡銓謂書取非緣  
易固然第未言何以書取不書滅也若趙伯循以不  
絕其祀為取則偏陽之祀未絕而書滅即在上文矣  
或者邑書取國書滅邾雖小國分為三不成國故亦

書取耶

傳晉國以平數世賴之○臣召南按傳侈言讓善之效

耳自偃衰推讓而霸業以興自處父改蒐而禍連數世此復有相讓之事故可稱耳不然明年伐秦即已將佐不睦遷延無功况數世賴之乎

傳石臬言於子囊曰先王卜征五年疏傳云天子以海內為家時一巡省之○傳云傳字應作鄭蓋鄭康成之注也各本俱然未敢遽改恐係古傳之文而康成



引之

季孫宿會晉士匄宋華閱衛孫林父鄭公孫蔓莒人邾  
人于戚○林堯叟曰戚孫林父邑於是林父立公孫  
剽而晉會于戚以定之襄昭之際大夫無君之禍晉  
為之也悼公之德衰矣又萬斯大學春秋隨筆曰此  
與會稷成宋亂無異不書成衛亂者孫林父在會不  
書亂而成亂自明也

傳范宣子數吳之不德也以退吳人○趙汭曰晉人方

釋楚而從事於秦勢豈能為吳謀楚其通吳以撓楚  
不過欲其自相攻而已宣子數吳不德而退之蓋設  
辭以拒其伐楚之謀耳杜氏責其伐喪或者又疑傳  
妄皆非也

傳姜戎氏注四嶽之後皆姓姜又別為允姓○臣召南  
按戎種不一姜戎是四嶽姜姓之裔故曰姜戎陰戎  
是允姓之後以其同惡故並徙之瓜州惠惠公並誘  
以來耳非姜戎又別為允姓也杜注似非又瓜州地

在今燉煌按漢書地理志敦煌杜林以為古瓜州地  
生美瓜顏師古注曰即左傳所云允姓之戎居於瓜  
州者也其地今猶出大瓜

傳於是知朔生盈而死注朔知瑩之長子盈朔弟也○

臣召南按史記索隱引系本云莊子首生武子瑩瑩

生莊子朔朔生悼子盈盈生文子躒躒生宣子申申  
生知伯瑤據此則朔為瑩子盈為朔子朔早卒未及  
為卿于傳文為甚順但其祖首既諡莊朔又諡莊則

誤耳不知杜注何以必指盈為朔弟也

傳瞽為詩疏瞽陳曲○臣召南按曲字今本國語作典

非也以是疏瞽陳曲證之則曲字是但古人言詩歌  
不言曲言曲蓋始於此詩譜亦作曲

傳故夏書曰道人以木鐸徇於路注道人行人之官也

○臣浩按監本訛作行令之官也若杜已注作行令  
之官則劉炫不規其失而孔疏又不必辨矣今依疏  
改正臣召南按杜不見古文疑道人徇路類於輶車

之采風故注為行人之官也

傳王室之不壞繫伯舅是賴疏上文不言桓公不得為

賴桓公也○

臣召南

按上既有世祚大師之文則此

句正言桓公匡正之功耳疏未確

春秋左氏傳注疏卷三十二考證

欽定四庫全書

經部

春秋左傳注疏卷三十三

四

詳校官監察御史臣王爾烈

給事中臣溫常綬覆勘

覆校官中書臣汪日章

校對官中書臣馮培

謄錄監生臣鄒曾蔭

謄錄監生臣宋鏡

欽定四庫全書

春秋左傳注疏卷三十三

起襄公十六年盡十八年

晉杜氏注

唐陸德明音義

孔穎達疏

經十有六年春王正月葬晉悼公注踰月而葬速也疏

正義曰四年七月夫人嬖氏薨八月葬我小君定嬖纒別月耳杜云踰月而葬速也今晉悼往年十一月卒此年正月葬積三月也杜亦云踰月而葬者踰越也所越者多有少俱是踰越之義故杜弘通兩解之

三月公會晉侯宋公衛侯鄭伯曹伯莒子邾子薛伯杞

伯小邾子于溴梁注不書高厚逃歸故也溴水出河內

軹縣東南至温入河音義

澳古閔反徐公璧反  
軹之氏反韋昭音枳  
疏曰傳

於會澳梁之下晉侯與諸侯宴乃言高厚逃歸則高厚  
會訖乃逃也於會不書齊者以高厚逃歸晉人怒之諸  
侯即有伐齊之志不與高厚得為來會公  
歸告廟歷告所會不告高厚故不書也

戊寅大夫盟注諸大夫本欲盟高厚高厚逃歸故遂自

共盟雞澤會重序諸侯今此間無異事即上諸侯大夫

可知音義

重直疏正義曰公羊以為澳梁之盟君若贅  
用反疏旒然穀梁云不曰諸侯之大夫大夫

不臣也皆以為此時諸侯微弱權在大夫諸侯皆在而  
大夫自盟政教約信在於大夫其事不由君也不曰諸  
侯之大夫者刺大夫不臣也賈服取以為說言惡大夫  
專而君失權也案傳荀偃怒使諸侯大夫盟高厚以君



臣不敵故使大夫盟之君使之盟非自專也以齊人既有二心高厚歌詩不類知小國必有從齊者也諸侯大夫本意欲盟高厚高厚雖已逃歸仍恐餘國有二故大夫遂自共盟使同會之國皆一其志也雞澤之會又隔袁僑如會故重言諸侯之大夫今此間無異事直言大夫即是上會諸侯之大夫不言諸侯以可知故也

晉人執莒子邾子以歸注邾莒二國數侵魯又無道於

其民故稱人以執不以歸京師非禮也音義數所正角反疏義

曰十二年莒人伐我東鄙十四年莒人侵我東鄙十五年邾人伐我南鄙是邾莒二國數侵伐魯也凡例云君不道於其民則稱人以執知此二國君又皆無道於民故稱人以執之也諸侯不得相治故成十五年晉侯執曹伯僖二十八年晉人執衛侯皆書歸于京師此言以歸乃是自歸晉國故非禮也

齊侯伐我北鄙注無傳齊貳晉故

夏公至自會注無傳

五月甲子地震注無傳

叔老會鄭伯晉荀偃衛甯殖宋人伐許注荀偃主兵當

序鄭上方示叔老可以會鄭伯故荀偃在下疏正義曰春秋之

例征伐則主兵者為先雖大夫為將諸侯從之亦以主兵為先僖二十七年楚人陳侯蔡侯鄭伯許男圍宋即

其事也但禮卿不會公侯會伯子男可也方示叔老可以會鄭伯故退荀偃於下所以特見此義故發傳云為

夷故也宋大於衛稱人而在衛下宋使大夫為將故也

秋齊侯伐我北鄙圍郟音義郟音成

大雩注無傳書過

冬叔孫豹如晉

傳十六年春葬晉悼公平公即位注平公悼公子彪

音義

彪彼蚪反

羊舌肸為傅注肸叔向也代士渥濁音義

肸許乙反疏正義曰成十八年傅士渥濁為大傅此向許文反代士渥濁亦當為大傅也宣十六年士

會將中軍且為大傅注云大傅孤卿彼以中軍之將兼之故知是孤卿也士渥濁以大夫居之今此復代

渥濁亦是大夫也昭五年傅楚子稱叔向為上大夫明此以上大夫為傅也諸侯之有孤卿猶天子之有

三公無人則闕故隨其本官高下而兼攝之也而衛  
冀隆不達此意以士渥濁叔向等皆為卿故為大傅  
若是大夫何得居孤卿之  
任妄以難杜於義非也 張君臣為中軍司馬注張

老子代其父祁奚韓襄欒盈士鞅為公族大夫注祁

奚去中軍尉為公族大夫去劇職就間官韓襄無忌

子也音義

開音

虞邛書為乘馬御注代程鄭音義

乘絕

證反改服修官烝于曲沃注既葬改喪服修官選賢能

曲沃晉祖廟烝冬祭也諸侯五月而葬既葬卒哭作

主然後烝嘗於廟今晉踰月葬作主而烝祭傳言晉

將有溴梁之會故速葬音義承之警守而下會於溴

梁注順河東行故曰下音義警居領反命歸侵田注

守手又反

諸侯相侵取之田以我故執邾宣公莒犁比公注犁

比莒子號也十二年十四年莒人侵魯前年邾人伐

魯晉將為魯討之悼公卒不克會故平公終其事音

義

犁徐力私反一音力兮反比音毗注同為于偽反下文為夷同

且曰通齊楚之使

注邾莒在齊楚往來道中故并以此責之經書執在

大夫盟下既盟而後告音義使所晉侯與諸侯宴于

使所反

温使諸大夫舞曰歌詩必類注歌古詩當使各從義

類齊高厚之詩不類注齊有二心故疏

正義曰歌古詩各從其思

好之義類高厚所歌之詩獨不取思好之義類故云齊有二心劉炫云歌詩不類知有二心者不服晉故

違其令違其令是有二心也

荀偃怒且曰諸侯有異志矣使諸大

夫盟高厚高厚逃歸注齊為大國高厚若此知小國

必當有從者疏

正義曰荀偃不言齊有異志而云諸侯有異志故解之以高厚若此故知

小國必當有從者總疑諸侯有異志不獨疑齊故高厚雖逃猶自諸國共盟也於是叔孫豹

晉荀偃宋向戌衛甯殖鄭公孫蠆小邾之大夫盟曰

同討不庭注自曹以下大夫不書故傳舉小邾以包

之音義

向舒亮反戌音  
恤董敕邁反

○許男請遷于晉注許欲叛

楚諸侯遂遷許許大夫不可晉人歸諸侯注唯以其

師討許之不肯遷鄭子蟜聞將伐許遂相鄭伯以從

諸侯之師注鄭與許有宿怨故其君親行音義

蟜居表反

相息亮反穆叔從公注從公歸音義

從才用反又  
如字注同

齊子帥

師會晉荀偃書曰會鄭伯為夷故也注夷平也春秋

於魯事所記不與外事同者客主之言所以為文固

當異也魯卿每會公侯春秋無譏故於此示例不先書主兵之荀偃而書後至之鄭伯時皆諸侯大夫義

取皆平故得會鄭伯疏

正義曰春秋於魯事所記不與外事同者於外則依實而

言於魯則言不以實不實者魯國大小是宋衛之匹其常會序列當在宋下衛上及其書策皆云公會某侯雖會霸主亦魯在其上大夫出會魯亦在先如此者客主之言所以為文其言固當有異耳以主客之故先魯而後他國魯非實在先也傳稱在禮卿不會公侯而魯卿每會公侯春秋無譏文元年公孫敖會晉侯于戚是也杜云體例已舉據用魯史成文是春秋無譏既常不譏無以示可否之義故於此變文以示例特言書曰是仲尼新意舊史當書荀偃在前今仲尼改之不先書主兵之荀偃而書後至之鄭伯以



當時共伐許者皆是諸侯之大夫義取與鄭伯尊卑皆平得會鄭伯故也言後至之鄭伯者三月會於澳梁夏公至自會則鄭伯亦已歸矣五月之下始書伐許鄭伯聞將伐許乃從諸侯之師是諸侯謀伐已定鄭伯始來從之故杜言後至也

夏六月次于棫林庚寅伐許次于函

氏注棫林函氏皆許地音義

棫為逼反徐于目反函音咸

晉荀偃

欒黶帥師伐楚以報宋揚梁之役注晉師獨進揚梁

役在十二年音義

黶於斬反

楚公子格帥師及晉師戰于

湛阪注襄城昆陽縣北有湛水東入汝音義

格古核反湛市

林反徐又丈林反一音直斬反阪音反徐又扶板反

楚師敗績晉師遂侵方城

之外注不書不告復伐許而還注許未遷故音義復扶

又反秋齊侯圍成注成魯孟氏邑貳晉故伐魯孟孺子

速徼之注孟獻子之子莊子速也徼要也音義猶本又作

鴉如佳反速本亦作邀音同徼古亮反要一遙反齊侯曰是好勇去之以為

之名速遂塞海陘而還注海陘魯隘道音義好呼報反陘音

刑徐古定反隘於懈反冬穆叔如晉聘且言齊故注言齊再伐

魯晉人曰以寡君之未禘祀注禘祀三年喪畢之吉

祭音義禘大計反疏正義曰僖三十三年傳云凡君薨卒哭而耐耐而作主特祀於主烝嘗禘

於廟如彼傳文則既祔之後可以為烝嘗也閏二年  
五月吉禘於莊公以其時未可吉書吉以譏之此年  
正月晉已烝于曲沃仍云未得禘祀  
知其禘祀是三年喪畢之吉祭也 與民之未息注

新伐許及楚不然不敢忘穆叔曰以齊人之朝夕釋

憾於敝邑之地是以大請敝邑之急朝不及夕引領

西望曰庶幾乎注庶幾乎音義

朝夕如字下同  
憾本亦作感戶

暗反比執事之間恐無及也見中行獻子賦圻父注圻

父詩小雅周司馬掌封畿之兵甲故謂之圻父詩人

責圻父為王爪牙不修其職使百姓受困苦之憂而

無所止居音義

比必利反間音闕行戶郎疏正義曰反折其依反父音甫注同此詩小

雅篇刺宣王也云折父子王之爪牙胡轉子于恤靡所止居注云宣王之末司馬職廢此勇力之士責司

馬云我乃王之爪牙之士當為王閑守之衛女何移於憂使我無所止居乎謂見使從軍與姜戎戰于千

敵而敗之時也獻子曰偃知罪矣敢不從執事以同恤社稷

而使魯及此注及此憂見范宣子賦鴻鴈之卒章注

鴻鴈詩小雅卒章曰鴻鴈于飛哀鳴嗃嗃唯此哲人

謂我劬勞言魯憂困嗃嗃然若鴻鴈之失所大曰鴻

小曰鴈音義嗃五刀反宣子曰勺在此敢使魯無鴈

劬求于反

乎注鳩集也音義

句古害反鳩居久反

疏

正義曰釋詁云鳩聚也聚亦集之義國有

兵寇則民人不得集聚也

經十有七年春王二月庚午邾子貜卒注無傳宣公也

四同盟音義

狃苦耕反徐戶耕反

疏

正義曰經不書莽故詳言其諡狃以成十八年即位其年

盟于虛打襄三年于鷄澤五年于戚九年于戲十一年于亳城北十六年于溴梁皆魯邾俱在凡六同盟沈氏云去虛打之盟又不數溴梁故為四劉炫以為杜氏誤非也

宋人伐陳

夏衛石買帥師伐曹注買石稷子

秋齊侯伐我北鄙園桃注弁縣東南有桃虛音義

虛起居反

高厚帥師伐我北鄙園防

九月大雩注無傳書過

宋華臣出奔陳注暴亂宗室懼而出奔實以冬出書秋

者以始作亂時來告音義

華戶反 疏

正義曰傳說此事文在冬下知其實以冬

出經書在秋故知追以秋告實冬出而告以秋明以華臣始作亂時來告也但傳因華臣之出本其懼罪之由故於冬之下追言華聞卒耳其實華聞之卒或在九月之前華臣弱其室殺其宰當在九月內耳

冬邾人伐我南鄙

傳十七年春宋莊朝伐陳獲司徒印卑宋也注司徒

印陳大夫卑宋不設備音義

朝如字凡人名字皆放此印五郎反注同

○

衛孫蒯田于曹隧注越竟而獵孫蒯林父之子音義

蒯苦怪反隧音遂竟音境

飲馬于重邱注重邱曹邑音義

飲於鶴反重直

龍反毀其瓶重邱人閉門而詢之注詢罵也音義

瓶步經反

詢呼豆反罵馬嫁反

曰親逐而君爾父為厲注厲惡鬼林父逐

君在十四年疏

正義曰蒯與其父共逐其君則是身親為惡故言親逐而君爾父為厲者

父為惡首故以惡鬼罵之

是之不憂而何以田為夏衛石買孫蒯

伐曹取重邱注孫蒯不書非卿疏

正義曰經書他國征伐例書元帥而

已此經已書石買縱蒯是卿亦不書杜為此注者蘇氏云孫氏世為上卿蒯若是上卿應書蒯不書石買故云非卿也或曰事由孫蒯故決之曹人愬于晉注為明年晉人執石

買傳音義

愬悉路反

○齊人以其未得志于我故注前年

圍成辟孟孺子秋齊侯伐我北鄙園桃高厚園臧紇

于防注防臧紇邑音義

紇恨發反

師自陽關逆臧孫至于

旅松注陽關在泰山鉅平縣東旅松近防地也魯師

畏齊不敢至防音義

近附近之近下居近同

耶叔紇臧疇臧賈



帥甲三百宵犯齊師送之而復注耶叔紇叔梁紇臧

疇臧賈臧紇之昆弟也三子與臧紇共在防故夜送

臧紇於旅松而復還守防音義

耶側留反復還扶又反

齊師去

之注失臧紇故齊人獲臧堅注堅臧紇之族齊侯使

夙沙衛唁之且曰無死注使無自殺音義

唁音彦

堅稽

首曰拜命之辱抑君賜不終姑又使其刑臣禮於士

以杙抉其傷而死注言使賤人來唁已是惠賜不終

也夙沙衛奄人故謂之刑臣音義

杙羊職反抉烏穴反徐又古穴反傷

如字一本 疏

正義曰來言是君之恩賜使賤者言是為惠不終也服虔云言君義已故來言

之是惠賜也謂已無死不

以義望已是不終也 ○冬邾人伐我南鄙為齊故

也注齊未得志於魯故邾助之音義

為于偽反

○宋華閱

卒華臣弱臯比之室注臣閱之弟臯比閱之子弱侵

易之音義

比音毗易以豉反

使賊殺其宰華吳賊六人以鉞

殺諸盧門合左師之後注盧門宋城門合向戌邑後

屋後音義

鉞音皮反

左師懼曰老夫無罪賊曰臯比私有

討於吳遂幽其妻注幽吳妻也曰畀余而大壁注畀

與也音義

界必利  
反注同

宋公聞之曰臣也不唯其宗室是

暴大亂宋國之政必逐之左師曰臣也亦卿也大臣

不順國之恥也不如蓋之乃舍之疏

正義曰服虔云  
蓋復蓋之言左

師無鷹鷂之志而蓋不義之人故尤之此未必然正  
是左師諱國惡耻聞於外故蓋之耳非是畏華臣也

左師為已短策苟過華臣之門必騁注惡之音義

騁  
勅

領反惡鳥路  
反年末注同

疏 正義曰服虔云策馬捶也自為短策  
過華臣之門助御者擊馬而馳惡之

甚也必為短策者私助  
御者不欲使人知也

十一月甲午國人逐瘠狗瘠

狗入於華臣氏國人從之華臣懼遂奔陳注華臣心

不自安見逐狗而驚走音義

澗徐居世反一音制字林作猳九世反云狂犬

也 ○宋皇國父為大宰為平公築臺妨於農收注周

十一月今九月收斂時音義

大音泰後放此為平于偽反妨因芳收如字又

手又反 子罕請俟農功之畢公弗許築者謳曰澤門之

哲實興我役注澤門宋東城南門也皇國父白哲而

居近澤門音義

謳烏侯反澤門本或作臯門者誤也哲星歷反徐思與反

邑中之

黔實慰我心注子罕黑色而居邑中音義

黔徐音琴一音其廉

反 子罕聞之親執扑注扑杖音義

扑普卜反

以行築者而

扶其不勉者曰吾儕小人皆有闔廬以辟燥溼寒暑

注闔謂門戶閉塞音義

行下孟反扶耻乙反儕仕疏皆反闔戶獵反廬力居反

正義曰月令仲春修闔扇鄭玄云用木曰闔用竹葦曰扇是闔為門扇所以閉塞廬舍之門戶也

今

君為一臺而不速成何以為役注役事也謳者乃止

或問其故子罕曰宋國區區而有詛有祝禍之本也

注傳善子罕分謗音義

區邱于反詛莊慮反祝之又反

○齊晏桓子

卒注晏嬰父也晏嬰麤縗斬注斬不緝之也縗在冑

前麤三升布音義

麤本又作麤縗本又作衰七雷反注同緝七八反

疏正義曰衰

服斬衰裳傳曰斬者何不緝也馬融云不緝不緹也謂斬布用之不緹其端也衰用布為之廣四寸長六寸當心故云在冑前也喪服傳曰衰三升鄭玄云布八十縷為升然則傳以三升之布布之最麗故謂之麗也以麗布為衰而斬之故以麗練斬為文之次

苴經帶杖管屨注苴麻之

有子者取其麗也杖竹杖管屨草屨音義

苴七徐反經直結反

以苴麻為經及帶杖禮記云苴杖竹也管古顏反屨九具反

疏

正義曰喪服云苴經杖絞帶此傳帶

不言絞亦當為絞帶也若要帶則謂之經故喪服注云麻在首在要皆曰經喪服傳曰苴經者麻之有黃者也杖竹杖也絞帶者繩帶也馬融云黃者象實象麻之有子者其色麗惡故用之苴者麻之色鄭玄士喪禮注云苴麻者其貌苴服重者尚麗惡喪服及此傳經帶杖三者皆在苴下言其色皆苴也經帶用麻

杖用竹麻竹雖異而其苴則同故三者共蒙苴也鄭  
玄云麻在首在要皆曰經此言經者謂首經也凡喪  
服冠纓帶屨皆象吉時常服但變之使麤惡耳其衰  
與經是新造以明義故特為立其名衰之言摧也經  
之言實也明孝子之心實摧痛故制此服立此名也  
衰當心經在首獨立名於心首者心是發哀之主首  
是四體之先故制服以表之要經之下又有絞帶經  
殺首經五分之一絞帶殺要經亦然雖大小有三等  
而同用苴麻喪服杖在帶上此傳杖在帶下者喪服  
具明其服故杖在上然後言絞帶冠纓此傳略言  
其禮欲明帶與經俱用麻故杖在帶下喪服傳云  
菅屨者菅菲也菲者屨之別名故杜注云草屨也

**鬻居倚廬寢苦枕草**注此禮與士喪禮略同其異唯

枕草耳然枕由亦非喪服正文音義

鬻之六反一音  
羊六反謂朝一

溢米暮一溢米倚廬於綺反廬倚東牆而為之故曰倚廬苦傷廉反編草也枕之鳩反注同王儉云夏枕凶冬枕草凶苦對疏正義曰喪服傳文及士喪禮記反一音苦怪反皆云居倚廬寢苦枕凶歆粥朝一溢米夕一溢米是此禮與士喪禮略同其異者唯彼言枕凶此言枕草耳然枕凶者乃是禮記及喪服傳耳亦非喪服正文杜意言古禮未必無枕草之法也居倚廬寢苦者鄭玄云用木為廬在中門外東方北戶苦編橐也此初喪為然其既虞之後則每事有變具於禮文鄭玄云二十兩曰溢為米一升二十四分升之一知者古者一斛百二十斤一斗十二斤十二斤百九十二兩一升十九兩二分少八分未克二十兩更取一升分作百九十二分二十四分取一得八分添前十九兩二分是為二十兩也其老

曰非大夫之禮也注時之所行士及大夫縗服各有



不同晏子為大夫而行士禮其家臣不解故譏之音

義

解音

疏

正義曰雜記云大夫為其父母兄弟之未

為大夫者之喪服如士服士為其父母兄弟之未  
弟之為大夫者之喪服如士服如彼記文則大夫與  
士喪服不同記是後人所記記當時之事今此晏子  
之老亦譏晏子所為非大夫之禮是時之所行士及  
大夫喪服各有不同也晏子實為大夫而行當時之  
士禮晏子反時以從正其家老不解謂晏子為失故  
據時所行而譏之也晏子其父始卒則晏子未為大  
夫言晏子為大夫者禮喪服  
大夫之子得從大夫之法  
曰唯卿為大夫注晏子

惡直己以斥時失禮故孫辭略荅家老疏

正義曰檀弓云魯穆

公之母卒使人問於曾申曾申對曰哭泣之哀齊斬  
之情饘粥之食自天子達然則天子以下其服父母

尊卑皆同無大夫士之與晏子所行是正禮也言唯  
卿得服大夫服我大夫得服士服又言已位卑不  
得從大夫之法者是惡其直已以斥時之失禮故孫  
辭略答家老也家語曾子問此事孔子云晏平仲可  
謂能辟害也不以已是而駁人之非孫辭以辟答義  
也夫家語雖未必是孔子之言要其辭合理故王肅  
與杜皆為此說鄭玄注雜記引此傳言晏子云唯卿  
為大夫此平仲之謙也言喪服服布麤衰斬衰三升  
義服斬衰三升半為母服齊衰四升正服齊衰五升  
義服齊衰六升降服大功七升正服大功八升義服  
大功九升降服小功十升正服小功十一升義服小  
功十二升總麻十五升去其半鄭注雜記云士為父  
斬衰縗如三升半而三升不緝言縗之精麤如三升  
半成布而縗三升故云麤衰在齊斬之間鄭又云士  
為母衰五升縗而四升為兄弟衰六升縗而五升鄭  
玄以雜記之文士為父母兄弟之服不得與大夫同

皆縷細降一等其縷數與大夫同但雜記之文記當時之制以當時大夫與士有異故為此解非杜義也  
經十有八年春白狄來注不言朝不能行朝禮

夏晉人執衛行人石買注石買即是伐曹者宜即懲治本罪而晉因其為行人之使執之故書行人以罪晉音

義使所  
吏反

秋齊師伐我北鄙注不書齊侯齊侯不入竟音義竟音  
境

冬十月公會晉侯宋公衛侯鄭伯曹伯莒子邾子滕子薛伯杞伯小邾子同圍齊注齊數行不義諸侯同心俱

圍之音義

數所角反

曹伯負芻卒于師注無傳禮當與許男

同三同盟音義

初反

疏

正義曰僖四年許男新臣卒傳曰葬之以侯禮也凡諸侯薨于

朝會加一等諸侯命有三等男加一等葬之以侯禮此曹是伯爵與許男同當葬以公禮也彼許男之卒不書于師此言卒于師者釋例曰若卒于朝會或書師或書地者史之成文非義例所存也負芻以成十四年即位十五年盟於戚十七年于柯陵襄五年于戚九年于戲十一年于亳城北十六年于澳梁凡六同盟不數成公之盟澳梁是大夫去之是為三劉炫以杜為誤非也

楚公子午帥師伐鄭

傳十八年春白狄始來注白狄狄之別名未嘗與魯

接故曰始○夏晉人執衛行人石買于長子執孫蒯

于純留注長子純留二縣今皆屬上黨郡孫蒯不書

父在位蒯非卿音義

長丁丈反或如字純徒溫反或如字地理志作屯

為曹

故也

注前年衛伐曹音義

為于反

○秋齊侯伐我北鄙

中行獻子將伐齊夢與厲公訟弗勝注厲公獻子所

弑者音義

弑申志反

公以戈擊之首隊於前跪而戴之奉

之以走見梗陽之巫臯注梗陽晉邑在太原晉陽縣

南臯巫名也夢并見之音義

隊直位反跪其委反奉芳勇反梗古杏反臯古

刀反他日見諸道與之言同注巫亦夢見獻子與厲公

訟巫曰今茲主必死若有事於東方則可以逞注巫

知獻子有死徵故勸使快意伐齊獻子許諾晉侯伐

齊將濟河獻子以朱絲係玉二鼓注雙玉曰鼓音義

鼓古學反而禱曰齊環怙恃其險負其衆庶注環齊靈公

名負依也音義禱丁老反一音丁報反怙音戶棄好背盟陵虐神主

注神主民也謂數伐魯殘民人音義好呼報反背音佩數所角反

曾臣彪將率諸侯以討焉注彪晉平公名稱臣者明

上有天子以謙告神曾臣猶末臣疏

正義曰王制云五嶽視三公四

瀆視諸侯則諸侯於河神其辭不得稱臣故解其意稱臣者以明上者天子言已是天子之臣以謙告神

也曾祖曾孫者曾為重義諸侯之於天子無所可重曾臣猶末臣謙卑之意耳

**其官臣偃實**

先後之注守官之臣偃獻子名音義

先悉薦反後戶豆反守手又反

又如苟捷有功無作神羞注羞恥也官臣偃無敢復

濟注偃信巫言故以死自誓音義

復扶又反下注復欲同

唯爾

有神裁之沈玉而濟○冬十月會于魯濟尋溴梁之

言同伐齊注溴梁在十六年盟曰同討不庭音義

沈音

鴉或如字  
濟子禮反  
齊侯禦諸平陰塹防門而守之廣里注平

陰城在濟北盧縣東北其城南有防防有門於門外

作塹橫行廣一里故經書圍音義

禦魚呂反塹七艷反廣古曠反注同

疏

正義曰平陰城南有防者形猶在杜觀其跡而知之也言塹防門而守之明是齊人自於門外作塹

以固守也此平陰齊邑而言圍齊者沈氏云君在故稱圍劉炫云案下傳范鞅門於雍門又門于揚門州

綽門于東閭既門其三門即是圍事杜何知不以門于三門為圍必以禦諸平陰為圍乎今剛定知不然

者案上九年諸侯伐鄭傳稱門其三門而經不稱圍則攻門非圍也此傳云塹防門而守之則是被圍之

道劉以門其三門為  
夙沙衛曰不能戰莫如守險注

圍而規杜氏非也



謂防門不足為險弗聽諸侯之士門焉齊人多死范

宣子告析文子析文子齊大夫子家音義析星曰

歷反

吾知子敢匿情乎魯人莒人皆請以車千乘自其鄉

入既許之矣若入君必失國子盍圖之子家以告公

公恐晏嬰聞之曰君固無勇而又聞是弗能久矣注

不能久敵晉音義

匿女力反乘絕證反  
盍戶獵反恐曲勇反

齊侯登巫山

以望晉師注巫山在盧縣東北晉人使司馬斥山澤

之險雖所不至必旆而疏陳之注斥候也疏建旌旗

以為陳示衆也音義

斥音尺一音昌夜反旆步蓋反陳直觀反注同

使乘車

者左實右偽以旆先注偽以衣服為人形也建旆以

先驅輿曳柴而從之注以揚塵齊侯見之畏其衆也

乃脫歸注脫不張旗幟音義

脫敕括反注同一音他外反幟中志反一音赤

志反丙寅晦齊師夜遁師曠告晉侯曰烏烏之聲樂齊

師其遁注烏烏得空營故樂也音義

遁徒困反樂音洛注同

邠

伯告中行伯注邠伯晉大夫邠侯也中行伯獻子曰

有班馬之聲注夜遁馬不相見故鳴班別也音義

彼別

列齊師其遁叔向告晉侯曰城上有烏齊師其遁十

一月丁卯朔入平陰遂從齊師夙沙衛連大車以塞

隧而殿注此衛所欲守險音義連大並如字隧音遂道也殿都練反下及

同注殖綽郭最曰子殿國師齊之辱也注奄人殿師故

以為辱音義最徐子會反子姑先乎乃代之殿衛殺馬於

隘以塞道注恨二子故塞其道欲使晉得之音義隘於

反懈晉州綽及之射殖綽中肩兩矢夾脰注脰頸也音

義射食亦反下注同中丁仲反疏正義曰說文云脰夾古洽反或古協反脰音豆項也考工記云以

脰鳴者又曰大體短脰數目願脰公羊傳稱宋萬搏  
閔公絕其脰鄭玄何休皆以脰為頸頸之與項亦一  
物也 曰止將為三軍獲不止將取其表注不止復欲射

兩矢中央音義

衷音忠

顧曰為私誓州綽曰有如日注

言必不殺女明如日音義

女音汝

乃弛弓而自後縛之

注反縛之音義

弛式氏反本又作施音同

疏

正義曰下云其右具丙亦舍兵則此是州

綽弛弓也

其右具丙注州綽之右亦舍兵而縛郭最皆衿

甲面縛注衿甲不解甲音義

舍音捨衿其鶴反

坐于中軍之

鼓下晉人欲逐歸者魯衛請攻險注險固城守者音

義

守手  
又反

已卯荀偃士句以中軍克京茲注在平陰城

東南乙酉魏絳欒盈以下軍克邾注欒厲死其子盈

佐下軍平陰西有邾山音義

邾音  
詩

趙武韓起以上軍

圍盧弗克十二月戊戌及秦周伐雍門之菽注秦周

魯大夫趙武及之共伐菽也雍門齊城門音義

雍於  
用反

菽音秋本  
又作秋

范鞅門于雍門其御追喜以戈殺犬于門

中注殺犬示間暇音義

閒音  
閑

孟莊子斬其櫛以為公

琴注莊子孺子速也櫛木名音義

櫛勅倫反  
又相倫反

已亥焚

雍門及西郭南郭劉難士弱率諸侯之師焚申池之

竹木注二子晉大夫音義

難乃多反又如字

壬寅焚東郭北

郭范鞅門于揚門注齊西門州綽門于東閭注齊東

門左驂迫還于東門中以枚數闔注枚馬槌也闔門

扇也數其板示不恐音義

驂七男反迫音百還音旋一音患枚每回反數所主

反注同闔戶獵反槌陟瓜反恐曲勇反

齊侯駕將走郵棠注郵棠齊邑

音義

郵音尤

大子與郭榮扣馬注大子先也榮齊大夫

音義

扣音口

曰師速而疾略也注言欲略行其地無久

攻意音義

行下孟反

將退矣君何懼焉且社稷之主不可

以輕輕則失衆君必待之將犯之大子抽劍斷鞅乃

止甲辰東侵及濰南及沂注濰水在東莞東北至北

海都昌縣入海沂水出東莞蓋縣至下邳入泗音義

輕遣政反下同斷音短濰本又作維音同沂魚依反莞音官蓋古害反邳蒲悲反泗音四

○鄭子

孔欲去諸大夫注欲專權音義

去起呂反下同

將叛晉而起

楚師以去之使告子庚子庚弗許注子庚楚令尹公

子午楚子聞之使楊豚尹宜告子庚曰國人謂不穀

主社稷而不出師死不從禮注不能承先君之業死

將不能從先君之禮音義

豚徒門反

不穀即位於今五年

師徒不出人其以不穀為自逸而忘先君之業矣注

謂已未嘗統師自出大夫圖之其若之何子庚歎曰

君王其謂午懷安乎吾以利社稷也見使者稽首而

對曰諸侯方睦於晉臣請嘗之注嘗試其難易也音

義使所吏反易以豉反

若可君而繼之不可收師而退可以無

害君亦無辱子庚帥師治兵於汾注襄城縣東北有



汾邱城音義

汾扶云反

於是子蟜伯有子張從鄭伯伐齊

注子張公孫黑肱子孔子展子西守二子知子孔之

謀注二子子展子西音義

守手又反下完守同

完守入保注完

城郭內保守子孔不敢會楚師楚師伐鄭次於魚陵

注魚陵魚齒山也在南陽犍縣北鄭地音義

犍尺由反

右

師城上棘遂涉潁次于旃然注將涉潁故於水邊權

築小城以為進退之備旃然水出滎陽成臯縣東入

汴音義

旃之然反汴皮彥反

為子馮公子格率銳師侵費滑胥

靡獻于雍梁注胥靡獻于雍梁皆鄭邑河南陽翟縣

東北有雍氏城音義

為本又作遂于委反馮皮冰反費扶味反滑于八反雍於用反

右回梅山注在滎陽密縣東北音義

回如字徐胡猥反侵鄭

東北至于蟲牢而反子庚門于純門信于城下而還

注信再宿也音義

牢力刀反純如字一音市荀反

涉於魚齒之下注

魚齒山之下有澧水故言涉音義

澧音維

甚雨及之疏

正義曰楚師南行有大雨從北而南遂及楚師

楚師多凍役徒幾盡晉人聞

有楚師師曠曰不害吾驟歌北風又歌南風南風不

競注歌者吹律以詠八風南風音微故曰不競也師

曠唯歌南北風者聽晉楚之強弱音義

凍丁弄反幾音祈驟仕救

反疏

注正義曰律呂雖有十二其風有八八風者乾風不周坎風廣莫艮風條震風明庶巽風清明

離風景坤風涼兌風閭闔八方之風風別先有音曲總吹律呂以詠八方音曲今師曠以律呂歌南風音曲南風音微不與律聲相應故云不競服虔以為卯酉以北律呂為北風以南為南風與杜八風義違非也

杜義多死聲楚必無功疏

正義曰服虔云南風律氣不至故聲多死董叔

曰天道多在西北注歲在豕韋月又建亥故曰多在

西北疏

正義曰歲星右行於天大率一歲行一次二十八年歲在星紀距此十一年卻而數之此

年在豕韋豕韋一名姬營當亥之次也周十  
二月夏之十月其月又建亥故曰多在西北南師不

時必無功注不時謂觸歲月叔向日在其君之德也

注言天時地利不如人和疏

注正義曰孟子云天時不如地利地利不如人

和

春秋左傳注疏卷三十三

春秋左氏傳注疏卷三十三考證

公會晉侯宋公衛侯鄭伯曹伯莒子邾子薛伯杞伯小

邾子于溴梁戊寅大夫盟○

臣召南

按杜注以諸大

夫本欲盟高厚高厚逃歸故遂自共盟雖澤會重序

諸侯今此間無異事即上諸侯大夫可知非也公羊

穀梁並謂政在大夫孫復曰溴梁之會不言諸侯之

大夫者大夫無諸侯故也孫覺曰於時六卿專晉三

桓擅魯齊之政出於崔高衛之政歸於孫甯天下諸

侯國政無不在大夫者孔子傷之蘇氏胡氏之說亦同證以論語則杜注非也疏駁賈服舊說未免曲護

杜氏

傳齊侯圍成注成魯孟氏邑○臣浩按成即邾前年經

傳皆書成此年經書圍邾傳書圍成其實一地

齊侯伐我北鄙圍桃注弁縣東南有桃虛○臣召南按

弁縣即卞縣也卞弁古通用後漢郡國志魯國卞縣

注即引此注

高厚帥師伐我北鄙圍防○林堯叟曰伐我大夫將書大夫始此自隱以來齊伐我皆書人若君將書君自文十五年始大夫將書大夫自高厚始

傳華臣懼遂奔陳○趙汭補注曰經書華臣出奔在秋而傳記其事在冬且詳其日月杜氏謂以始作亂時來告非也由左氏所據載籍或追錄舊事日月訛舛不與經合傳姑仍之以示傳疑之意不得以從赴為辭也其傳記在前而經書在後者乃可言從赴耳他

傲此

傳妨於農收○

臣浩

按注明曰收斂時音義明日收如

字知各本俱作妨於農功誤也今改正

傳唯卿為大夫○

臣照

按杜注孔疏俱據家語謂晏子

遜辭避害不肯明言父母之喪無貴賤一也之義以

觸時忌是也顧所謂唯卿為大夫者未明言其句旨

蓋諸侯之卿視天子之大夫大夫視士故曰唯卿為

大夫猶云今所行正侯國大夫之禮也



傳晉人執衛行人注長子純留二縣今皆屬上黨郡○

臣召南

按漢書地理志上黨郡長子師古注曰讀如

長短之長屯留師古注曰屯音純晉志亦作屯留唯  
此作純

傳齊侯禦諸平陰塹防門而守之注一段○趙汭補注  
曰此言齊侯守平陰之防於書圍齊何與後十二月  
門其三門焚其四郭乃圍齊之事耳杜說非也顧炎  
武日知錄曰注云故經書圍非也圍者圍齊非圍防

門也

傳衛殺馬於隘以塞道注欲使晉得之○監本晉得之  
下衍一心字今刪

傳楚子聞之使楊豚尹宜○林堯叟曰楊豚邑大夫名  
宜

傳右回梅山○

臣召南

按注在滎陽密縣東北後漢郡

國志河南尹密縣有梅山注引此注作在縣西北未  
知孰是又魚陵魚齒山注在南陽犍縣北而郡國志

潁川郡襄城有汾邱有魚齒山注引此注蓋隼縣與襄城連界也

傳吾驟歌北風又歌南風注故曰不競也○監本于此句下衍師也二字今刪

又疏艮風條○條監訛作調今改正

春秋左氏傳注疏卷三十三考證